



Pranuar / Dorezuar Prilijeno/Prodato Received/Delivory	13-04-2022	2	viti god year
Organ /Njesia Organ./Jedinica Org./Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKMSTCK	2073	2022	1/6



Republika e Kosovës  
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.187/2022

Këshilli i Pavarur Mbikëqyrës për Shërbimin Civil të Kosovës-Kolegji për shqyrtimin dhe vendosjen e ankesave në përbërje nga: Arben Mehmeti-kryetar, Ardita Haxhnikaj-Demi dhe Jeton Koca-anëtarë, me Ardita Perçuku-Shyti -Zyrtare e lartë për Bashkëpunim Profesional në cilësinë e procesmbajtëses, ka shqyrtuar ankesën me numër A.nr.187/2022 të datës 28.02.2022 të parashtruar nga ankuesja te cilën me autorizim e përfaqëson me adresë banimi Komuna e Prishtinës, kundër organit të punësimit/Shërbimi Korrektues i Kosovës, në çështjen juridike "masë disiplinore" duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 13.04.2022, mori këtë:

V E N D I M

- I. REFUZOHET si e pabazuar ankesa me numër A.nr.187/2022 e datës 28.02.2022 e parashtruar nga ankuesja
- II. MBETET në fuqi Vendimi me numër KD.nr.001/2022 i datës 09.02.2022, i Komisionit Disiplinor të Shërbimit Korrektues të Kosovës.

A r s y e t i m

Ndaj ankuese e punësuar në Shërbimin Korrektues të Kosovës, sipas kontratës për kohë të caktuar të datës 03.07.2017, në pozitën "Zëvendës Drejtor në Qendrën Korrektuese në Lipjan", me datë 12.01.2022, Drejtori i Përgjithshëm i Shërbimit Korrektues të Kosovës ka iniciuar procedurën disiplinore ndaj ankuses, me pretendimet se e njëjta ka kryer shkelje disiplinore mbi bazën e të gjeturave në raportin e Inspektoratit të Ministrisë së Drejtësisë të datës 06.01.2022.

Komisioni Disiplinor me datë 09.02.2022 ka nxjerrë vendimin me numër KD.nr.001/2022, sipas të cilit ankuesen e ka shpallur përgjegjëse për shkelje disiplinore dhe i ka shqiptuar masën disiplinore "Ndalimi i ngritjes në detyrë, duke përfshirë këtu rritjen në shkallën e pagës për periudhë dy vjet".



Ankuesja e pakënaqur me vendimin me numër KD.nr.001/2022 të datës 09.02.2022 të Komisionit Disiplinor në Shërbimin Korrektues të Kosovës, me datë 28.02.2022 ka parashtruar ankesën me numër të protokollit 1036/2022 në Këshillin e Pavarur Mbikëqyrës për Shërbimin Civil të Kosovës, me pretendimin ankimor se vendimi i atakuar me ankesë përbën shkelje procedurale dhe ligjore.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr.02/2018 për Procedurën e Shqyrtimit dhe Vendosijes së Ankesave në Këshillin e Pavarur Mbikëqyrës për Shërbimin Civil të Kosovës, me datë 04.03.2022 ka proceduar kërkesën për përgjigje në ankesën e ankueses tek Shërbimi Korrektues të Kosovës. Ndërsa Këshilli me datën 07.03.2022, ka pranuar nga Shërbimi Korrektues të Kosovës përgjigjen në kërkesë me numër protokollit:1204/2022, së bashku me shkresat e bashkangjitura të lëndës.

Kolegji për Shqyrtimin dhe Vendosijen e Ankesave ka administruar këto prova: Ankesën me Nr.prot:1036/2022 të datës 16.02.2022 e parashtruar nga ankuesja në Këshillin e Pavarur Mbikëqyrës për Shërbimin Civil të Kosovës; Autorizimin e datës 14.02.2022 nga përfaqësuesi ligjor i ankueses; Raportin e datës 06.01.2022 lidhur me rastin e vetë varjes së të dënuarës M.K; Deklaratën e datës 31.12.2021 nga Zv.Drejtoresha Deklaratën e datës 31.12.2021 nga Udhëheqësja e pavilonit Planin eventual-vdekja në burg të datës 30.12.2021; Kartonin e evidencës së vizitorëve sipas listës së planifikuar-forma 3.3.2/1; Dëshmi lidhur me vizitat tek e vet varura në burg të datës 30.12.2021; Regjistrimet ditore mbi gjendjen e sjelljeve të të burgosurit të datës 30.12.2021; Raportin e datës 03.09.2021 mbi gjendjen shëndetësore të paraburgosurve; Dëshmi lidhur me informatat mbi të burgosurën; Raportin e ngjarjes të datës 30.12.2021 nga për të burgosurën; Shënimin zyrtar të datës 30.12.2021; Raportin propozues të datës 14.05.2021 nga komisioni multidisiplinor për menaxhimin e rasteve me rrezik për vetëvrasje të rasteve M.K dhe Raportin e ngjarjes të datës 30.12.2021 nga për të burgosurën; Raportin e datës 02.11.2021 mbi gjendjen shëndetësore të paraburgosurve; Raportin e datës 10.09.2021 mbi gjendjen shëndetësore të paraburgosurve; Raportin e datës 20.09.2021 mbi gjendjen shëndetësore të paraburgosurve; Raportin e ngjarjes se datës 30.12.2021 nga Raportin e ngjarjes se datës 30.12.2021 nga M.K; Raportin e datës 30.12.2021 për vet varjen e të burgosurës nga mbikëqyrësi i lartë i operativës; Njoftimin e datës 30.12.2021 për vdekjen në burg nga E-mailin zyrtar të datës 30.12.2021; Raportin e hetimit të datës 30.12.2021 nga Shërbimi Korrektues i Kosovës-Ministria e Drejtësisë; Inicimin e procedurës disiplinore të datës 12.01.2022 nga Zëvendësuesi i Drejtorit të Përgjithshëm të Shërbimit Korrektues të Kosovës; Vendimin me numër KD.nr.001/2022 të datës 09.02.2022 nga Komisioni Disiplinor; Kërkesën për përgjigje në ankesë të datës 04.03.2022 nga Këshilli i Pavarur Mbikëqyrës për Shërbimin Civil të Kosovës; Përgjigjen në ankesë të datës 07.03.2022 nga Shërbimi Korrektues i Kosovës; Kontratën e punës së mbikëqyrësit të datës 09.07.2013; fletë kthesën e datës 10.02.2022; Përshkrimin e detyrave të punës së mbikëqyrësit të datës 03.01.2020; Regjistrimet ditore të gjendjes dhe sjelljeve të burgosurit M.K të datës 30.12.2021; E-mailin e datës 03.09.2021 dërguar nga dërguar Njoftimin e datës 06.09.2021 dërguar nga menaxheri i rastit dërguar për Regjistrimet ditore të gjendjes dhe sjelljeve të burgosurit M.K e datës 29.12.2021; Regjistrimet ditore të gjendjes dhe sjelljeve të burgosurit M.K e datës 28.12.2021; Raporti i Mbledhjes Shëndetësore i rastit M.K i datës 30.12.2021 përgatitur nga Udhëheqëse e NJSHB/QKFL; Deklaratën e datës 30.12.2021 nga Deklaratën e datës 30.12.2021 nga Raporti Mjekësor i datës 30.12.2021; Raportin e Ngjarjes i datës 30.12.2021 nga







Kolegji për Shqyrtimin dhe Vendosjen e Ankesave, pasi që ka shqyrtuar të gjitha shkresat e lëndës të parashtruara nga palët në procedurë, ka konstatuar se ankesa me numër A.nr.187/2022 e datës 28.02.2022, e parashtruar nga ankuesja është e *pabazuar*, sepse:

Me Ligjin Nr.06/L-114 për Zyrtarët Publik i zbatueshëm nga data 09.07.2020 sipas Aktgjykimit të Gjykatës Kushtetuese Nr.ref.1583/20 të datës 09.07.2020 përkatësisht me nenin 4 paragrafin 1 është përcaktuar se: *"Nëpunësit profesional të shërbimit diplomatik dhe shërbimi korrektues janë nëpunës civilë me status të veçantë, të cilët rregullohen me këtë ligj dhe me ligj të veçantë"*, nga rrjedh se me hyrjen në fuqi të këtij Ligji, nëpunësit e shërbimit korrektues kanë statusin e nëpunësve civilë me status të veçantë, respektivisht me hyrjen në fuqi të Ligjit Nr.06/L-114 Për Zyrtarët Publikë themelimi, ndryshimi, përfundimi i marrëdhënies së punës si dhe çdo e drejtë dhe detyrim nga marrëdhënia e punës për zyrtarët e shërbimit korrektues i nënshtrohet dispozitave të legjislacionit për nëpunësit civil dhe legjislacionit të veçantë.

Po ashtu Kolegji, me rastin e shqyrtimit të kësaj lënde ka marrë parasysh specifikat e institucionit sikurse edhe çështjen e legjislacionit të veçantë i përcaktuar si në nenin 4 paragrafin 2 nën paragrafët 2.1, 2.2, 2.3, 2.4 dhe 2.5 të Ligjit Nr.06/L-114 Për Zyrtarët Publikë ku përcaktohet se: *"Rregullimi me ligj të veçantë, sipas paragrafit 1 të këtij neni, duhet të jetë në pajtim me parimet e përcaktuara me këtë ligj dhe mund t'i rregullojë ndryshe vetëm këto elemente të marrëdhënies së punës: 2.1. kushte të veçanta apo shtesë për rekrutim; 2.2. të drejtat ose detyrimet specifike të tjera nga ato të parashikuara me këtë ligj; 2.3. rregullat e veçanta për zhvillimin e karrierës sipas sistemit të gradave; 2.4. zhvillimin profesional dhe nevojat për trajnime; 2.5. transferimin dhe sistematizimin e nëpunësve"*.

Në bazë të shkresës së përgjigjes në ankesë të datës 07.03.2022 e ofruar nga Njësia e Burimeve Njerëzore të Shërbimit Korrektues të Kosovës, është bashkangjitur edhe shkresa me përshkrimin e detyrave të punës për pozitën të cilën e ushtron ankuesja *"Zëvendës Drejtoreshë"*, ku ndër të tjera ka përcaktuar se detyrat kryesore për këtë pozitë janë se: *"Në mungesë të drejtorit është përgjegjës për menaxhimin e burgut; Zëvendës Drejtori është përgjegjës për mbajtjen dhe sigurinë e të burgosurve dhe të gjithë stafit në udhëheqjen e tij; Vepron me vendosmëri në situata të vështira, njerëzishëm, me maturi dhe punësi.....etj"*, ndërsa i raporton Drejtorit të Qendrës Korrektuese në Lipjan.

Bazuar në raportin hetimor të inspektoratit të Ministrisë së Drejtësisë të datës 30.12.2022, lidhur me rastin e vet varjes së të dënuarës M.K në Qendrën Korrektuese për Femra në Lipjan, Kolegji pas analizimit dhe dhënies së rekomandimeve të këtij komisioni lidhur me përgjegjësinë disiplinore të ankuseses, ka konstatuar se tek rasti i ankuseses ka gjetur në piken e tretë si në vijim, citoj: *"Inspektorati ka kërkuar edhe deklaratat me shkrim nga Zëvendësuesja e Drejtorit Zëvendës Drejtoresha dhe Udhëheqësja për komunikimin që ka ndodh përmes "sms", ku dhe është urdhëruar mbyllja e të dënuarës M.K në dhomë, pa rekomandim me shkrim nga psikologu"*, andaj ndërlidhur me këtë Kolegji ka vlerësuar se edhe pse në bazë të shkresave të lëndës tanimë e ndjera M.K kishte qenë me terapi dhe në observim nga data 10.09.2021 nga 15 deri 30 min , e njëjta ishte urdhëruar të mbyllet në dhomë pa pasur rekomandim nga ana e psikologes ,mirëpo vetëm me anë të një sms-i që kishte qenë urdhër nga zëvendës drejtoresha drejtuar udhëheqëses së pavilonit me arsyetimin se kinse pasi ka pranuar një informatë nga lidhur me atë se tanimë e ndjera e kishte pyetur një të dënuar se sa mund të dënohem nëse e mbys dikend me jastëk. Kolegji pas analizimit të kësaj situatë vlerëson se zingjiri ndërveprues i hierarkisë pranë institucionit të Shërbimit Korrektues në këtë rast nuk ka funksionuar fare, ngase nuk janë ndërmarrë veprimet e duhura në kohën reale për rastin e



tanimë të ndjerës M.K, ku e njëjta ishte dashur të mbikëqyret për veprimet e saja herë pas here siç ka qenë edhe urdhër nga ana e psikologes ,ngase ka qenë me tretman mjekësor, andaj ndërlidhur me situatën e lartcekur, Kolegji konstaton se ankuesja në bazë të përshkrimit të detyrave të punës ka qenë e obliguar të menaxhojë situatën në atë mënyrë që kur është në pyetje siguria e të burgosurve të reagoj dhe të ndërmarr veprimet e duhura për zgjidhjen e situatës në mënyrën sa më të mirë dhe më të lehtë, e meqenëse ky veprim ka munguar nga ana e saj Kolegji konstaton se e njëjta është përgjegjëse lidhur me mos menaxhimin e kësaj situate që si pasojë ka humbur jetën një e burgosur e cila kishe qenë me probleme psikike dhe tretman të vazhdueshëm psikologjik.

Kolegji për shqyrtimin dhe vendosjen e ankesave, ka analizuar edhe vendimin e komisionit disiplinor të Shërbimit Korrektues të Kosovës, ku për rastin e ankuses ka elaboruar veprimet përgjegjëse të ankuses ndërlidhur me rastin e tanimë të ndjerës M.K, ku ndër të tjera thuhet se, citoj : *“zëvendës drejtoresha përkundër se ka qenë në detyrë datën e pranimit të informatës nga zyrtarja e inteligjencës, e njëjta përveç se kontakton me zëvendësuesen e drejtorit përmes telefonit nuk ka ndërmarrë asnjë veprim tjetër për menaxhimin e rastit, nuk ka vizituar të ndjerën, nuk ka vizituar të dënuara tjera në mënyrë që ta trajtoj informatën, nuk ka thirrur stafin vartës për trajtimin e çështjes, nuk është kujdesur që të merr mendimin e mjekut/psikologut para mbylljes së të dëmtuarës, të cilës i janë ndaluar aktivitetet ditore, në cilësinë e zëvendës drejtoreshës nuk është kujdesur që përmes sistemit të kamerave të sigurohet se observimi i të dënuarave është duke u kryer sipas rekomandimeve të mjekut”,* andaj mbi këtë bazë, Kolegji konstaton se vendimi i komisionit disiplinor është i bazuar ngase ankuesja me rastin e mos përmbushjes së detyrave të punës është përgjegjëse për shkeljet e kryera, ashtu siç përcaktohen në nenin 46 paragrafi 1 dhe 3 nën paragrafi 3.1 të Ligjit Nr.06/L-114 Për Zyrtarët Publik ku përcaktohet se: *“Shkelje disiplinore konsiderohen shkelje të detyrave të punës dhe detyrimeve ligjore, duke përfshirë mundësinë e shqiptimit të masave disiplinore; Shkelje të rënda konsiderohen: 3.1. mos përmbushja e detyrave të punës”.*

Po ashtu, Kolegji me qëllim të shqyrtimit të pretendimeve ankimore të ankuses ka analizuar edhe dispozitat e nenit 45 të Nr.06/L-114 Për Zyrtarët Publik ku përcaktohet se: *“Përgjegjësia disiplinore është moszbatimi apo zbatim jo i duhur i detyrave të punës dhe detyrimeve të tjera ligjore, që përmban elementet si në vijim: 1.1. “ekzistimin e veprimit të paligjshëm apo mosveprimit;” 1.2. kryerjen e veprimit me faj apo mosveprimit; 1.3. ndodhja e pasojës 1.4. ndodhja e dëmit; dhe 1.5. lidhjen shkakësore ndërmjet veprimit të kryer dhe pasojës/dëmit”* si dhe nenit 50 i të njëjtit ligj ku përcaktohet se: *“Për përcaktimin e masës disiplinore të zbatueshme, mbikëqyrësi i drejtpërdrejtë ose komisioni disiplinor bazohet në: 1.1. shkaqet, rrethanat e kryerjes së shkeljes, rëndësinë dhe pasojat e saj; 1.2. shkallën e fajësisë; 1.3. ekzistencën e masave të tjera disiplinore të mëparshme të pashlyera, sipas nenit 47 të këtij ligji; 1.4. përpjekjet e mëparshme të nëpunësit për shmangien apo kufizimin e dëmit. 2. Masat disiplinore jepen në raport të drejtë me shkeljen e kryer. 3. Për shkeljet e rënda, jepen masat disiplinore të përcaktuara në paragrafët 1.2 deri 1.4 të nenit 47 të këtij ligji. 4. Për shkeljet e lehta, jepen masat disiplinore të përcaktuara në paragrafin 1.1 të nenit 47 të këtij ligji. 5. Për çdo shkelje, jepet vetëm një masë disiplinore”* dhe ka konstatuar se Komisioni Disiplinor, ankuses i ka shqiptuar masën në proporcion me përgjegjësin disiplinore dhe me rastin e shkeljes së rëndë të detyrave të punës siç përcaktohet me nenin 47 paragrafin 1 nën paragrafi 1.2 të Ligjit Nr.06/L-114 Për Zyrtarët Publik ku thuhet se: *“1. Masat disiplinore, të cilat mund të zbatohen ndaj nëpunësit civil, janë: 1.1. vërejtje; 1.2. ndalimi nga 20% deri në 40% e pagës për një periudhë deri në gjashtë muaj; 1.3. ndalimi i ngritjes në detyrë, duke përfshirë këtu rritjen në shkallën e pagës për një periudhë nga dy deri 5 vjet; 1.4. largimi nga Shërbimi Civil”* ndërlidhur me nenin 48 paragrafi 3 të Ligjit Nr.06/L-114 Për Zyrtarët Publik ku përcaktohet se: *“Masat disiplinore të parashikuara në*





paragrafin 1.2 deri 1.4 të nenit 47 të këtij ligji, janë në kompetencën e komisionit disiplinor”, nga ku rrjedh se Komisioni Disiplinor me rastin e shqiptimit të kësaj mase disiplinore për ankuesen, i ka marrë për bazë parimet e individualizimit të masës, veprimet e tjera të mëhershme me qëllim kufizimit të dëmit, andaj bazuar në të gjeturat dhe konstatimet e pasqyruara si më lartë, pretendimet e ankueses janë të pabazuara.

Kolegji po ashtu thekson faktin se Komisioni Disiplinor me rastin e nxjerrjes së Vendimit me numër KD.nr.001/2022 të datës 09.02.2022 u ka shqiptuar masa të ndryshme disiplinore tetë (8) zyrtarëve të cilët i ka gjetur përgjegjës për rastin e lart cekur, ndërsa refuzimi i ankesës së ankueses së datës 28.02.2022 dhe lënien në fuqi të vendimit të Komisionit Disiplinor ka të bëjë vetëm me pikën II të dispozitivit, ku përcaktohet në mënyrë taksative masa disiplinore e shqiptuar ndaj ankueses dhe e njëjta e pakënaqur me këtë masë ka iniciuar procedurën administrative me rastin e parashtrimit të ankesës në Këshillin e Pavarur MbiKëqyrës të Shërbimit Civil, andaj meqenëse ankesa ka qenë individuale, Kolegji konstaton se në këtë rast nuk mund të lëshohet përtej kompetencave dhe ka vendosur vetëm për rastin e ankueses

Kolegji për shqyrtimin e ankesës, pas shqyrtimit të shkresave të lëndës si dhe duke u bazuar në nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur MbiKëqyrës për Shërbimin Civil të Kosovës si dhe nenit 132 paragrafit 2 të Ligjit Nr.05/L-031 Për procedurën e Përgjithshme Administrative, vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Iniciimi i konfliktit administrativ nuk e ndalin ekzekutimin e këtij vendimi.

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
Lënda,A.nr.187/2022, datë 13.04.2022

Ardita Percuku-Shyti

Zyrtare e lartë për Bashkëpunim Profesional

Arben MEHMETI

Kryetari i Kolegjit



**Vendimi i dërgohet:**

- ❖ Përfaqësuesit Ligjor të ankueses
- ❖ Drejtorit të Përgjithshëm të Shërbimit Korrektues të Kosovës;
- ❖ Sekretarit të Përgjithshëm të Ministrisë së Drejtësisë
- ❖ Udhëheqësit të Burimeve Njerëzore në Shërbimin Korrektues të Kosovës dhe
- ❖ Arkivit të KPMSHCK-së

